

小品般若波羅蜜經卷第九

姚秦三藏鳩摩什譯

潛九

小品般若波羅蜜經屬累品第二十四

佛告須菩提若菩薩聞是甚深般若波羅蜜信解不疑不悔不難是菩薩當於阿閻佛及諸菩薩所聞深般若波羅蜜亦復信解須菩

一

元

提菩薩若能信解如佛所說般若波羅蜜是人必至阿毗跋致須菩提若人但聞般若波羅蜜尚得饒益何況信解如所說行當住薩婆若須菩提白佛言世尊若離如更無法可得誰當住薩婆若誰當得阿耨多羅三藐三菩提誰當說法佛告須菩提汝所問難如更無法可得誰當住薩婆若誰當得阿耨多羅三藐三菩提誰當說法者如是如是須菩提離如更無法可得阿耨多羅三藐三菩提離如亦不能得阿耨多羅三藐三菩提如無說法者亦時釋提桓因白佛言世

尊無住如者無得阿耨多羅三藐三菩提者無說法者而菩薩聞是深法不疑不悔不難而欲得阿耨多羅三藐三菩提是爲甚難須菩提語釋提桓因憍尸迦如汝所說菩薩聞是深法不疑不悔不難欲得阿耨多羅三藐三菩提是爲甚難者憍尸迦一切法空此中誰當疑悔難者釋提桓因語須菩提如所說者皆因於空而無所礙辭如仰射虛空箭去無礙須菩提所說無礙亦如是爾時釋提桓因白佛言世尊我如是說如是答爲隨如來說隨法答不憍尸迦汝如是說如是答爲隨如來說爲隨法答皆爲正答憍尸迦須菩提所說皆因於空須菩提尚不能得般若波羅蜜何況行般若波羅蜜者尚不得阿耨多羅三藐三菩提何況得阿耨多羅三藐三菩提者尚不得薩婆若何況得薩婆若者尚不得如何況得如者尚不得無生何況得無生者尚不得諸力何況得諸力者尚不得無所畏何況

得無所畏者尚不得法何況說法者憍尸迦須菩提常樂遠離樂無所得行憍尸迦是須菩提所行於菩薩所行百分不及一百千万億分不及一乃至算數辭喻所不能及憍尸迦唯除如來所行菩薩行般若波羅蜜於餘行中最大最勝最上最妙菩薩所行亦於聲

卷二十九

二

元

聞辟支佛所行最大最勝最上最妙是故憍尸迦若人欲於一切衆生中最上者當行菩薩所行般若波羅蜜尔時會中忉利諸天子以天曼陀羅華散佛上六百比丘從座而起偏袒右肩右膝著地合掌向佛佛神力故華悉蒲朔即以此華散佛上散已作是言世尊我等皆當行是上行佛即微笑諸佛常法若微笑時青黃赤白無量色光從口而出是諸光明遍照無量無邊世界上至梵天還遼身三而從頂上入阿難即從座而起偏袒右肩右膝著地合掌向佛白佛言世尊何因緣故微笑諸佛不以無因緣而笑佛告阿難是六

百比丘當於星宿劫得成佛同号散華阿難是諸如來比丘僧數悉皆同等壽命亦等俱二万劫彼諸比丘從是已後在所生處常得出家其世界常雨五色好華是故阿難若人欲行上行當行般若波羅蜜若菩薩欲行如來行當行般若波羅蜜阿難若菩薩行般若波羅蜜當知是人從人間命終若於兜率天上命終來生人間何以故人中兜率天上行般若波羅蜜易故阿難若菩薩行般若波羅蜜信樂受持讀誦書寫書寫已以般若波羅蜜示教利喜讚餘菩薩當知是人爲如來所見當知是人於諸佛所種諸善根不於弟子

卷二十九

三

所種善根阿難若菩薩學般若波羅蜜不驚不畏信樂受持讀誦如所說行當知是人至現在佛所若有信般若波羅蜜不謗不逆當知是人已供養諸佛阿難若人於佛所種善根求阿羅漢辟支佛是善根不虛亦不離般若波羅蜜是故阿難我今以般若波羅蜜囑

累於汝阿難我所說法唯除般若波羅蜜有所受持若忘失其過尚少汝若受持般若波羅蜜乃至忘失一句其過甚重是故阿難我以般若波羅蜜囑累於汝汝所聞受持皆應讀誦悉令通利善念在心當令章句分明何以故般若波羅蜜是過去未現在說諸佛法

歲故阿難若人於今現在欲以慈心恭敬供養我者是人當以是心供養般若波羅蜜受持讀誦如所說行即是供養於我阿難是人不但供養於我亦爲恭敬供養過去未來現在諸佛阿難汝若愛重不捨於我亦應如是愛重不捨般若波羅蜜乃至一句慎莫忘失

阿難我爲囑累般若波羅蜜因緣故若於一劫百劫千万億那由他劫乃至如恒河沙等劫說不可盡阿難今但略說如我今爲大師過去現在十方諸佛於一切世間天人阿修羅中亦爲大師般若波羅蜜亦於一切世間天人阿修羅中而作大師有如是等無量因

緣故我於一切世間天人阿修羅中以般若波羅蜜囑累於汝佛告阿難苦人愛重佛愛重法愛重僧愛重過去未來現在諸佛阿耨多羅三藐三菩提當以是愛重愛重般若波羅蜜此則是我所用教化阿難若有人受持讀誦般若波羅蜜當知是人則爲受持過去

未來現在諸佛阿耨多羅三藐三菩提阿難般若波羅蜜欲斷絕時若欲護助者是人則是護助過去未來現在諸佛阿耨多羅三藐三菩提何以故阿難諸佛阿耨多羅三藐三菩提皆從般若波羅蜜生阿難若過去諸佛阿耨多羅三藐三菩提皆從般若波羅蜜生
阿耨多羅三藐三菩提皆從般若波羅蜜生

卷之九

四

五

未來諸佛阿耨多羅三藐三菩提亦從般若波羅蜜生現在無量阿僧祇世界諸佛阿耨多羅三藐三菩提亦從般若波羅蜜生是故阿難若菩薩欲得阿耨多羅三藐三菩提當善學六波羅蜜何以故阿難諸波羅蜜是諸菩薩母能生諸佛若菩薩學是六波羅蜜當

得阿耨多羅三藐三菩提是故阿難我以六波羅蜜重囑累汝何以故是六波羅蜜是諸佛無盡法藏阿難汝若因小乘法爲小乘人說三千大千世界衆生皆以是法證阿羅漢汝爲弟子功德蓋少不足言若以六波羅蜜爲菩薩說汝爲弟子功德具足我則喜悅阿

難若人以是小乘法教三千大千世界衆生得阿羅漢證是諸布施持戒修善福德寧爲多不阿難言甚多出尊佛告阿難是福雖多不如聲聞人爲菩薩說般若波羅蜜乃至一日其福甚多阿難置此一日若從旦至食時置從旦至食時乃至一漏尅須置是一漏尅須乃至湏臾須爲菩薩說法是人於一切聲聞辟支

佛善根福德不可相比若菩薩如是行如是念於阿耨多羅三藐三菩提退轉者無有是處小品般若波羅蜜經阿闍佛品第二十五佛說般若波羅蜜是時會中四衆比丘比丘尼優婆塞優婆夷天龍夜叉乾闥婆阿修羅

卷二十九

五

元

迎樓羅緊那羅摩睺羅伽人非人等佛神力故見阿闍佛在大會中恭敬圍遶而爲說法如大海水不可移動時諸比丘皆阿羅漢諸漏已盡無復煩惱心得自在及諸菩薩摩訶薩其數無量佛攝神力大會四衆等皆不復見阿闍如來及聲聞菩薩國界嚴飾佛告阿難一切法亦如是不與眼作對如今阿闍佛及阿羅漢諸菩薩衆皆不復現何以故法不見法法不知法阿難一切法非知者非見者無作者無貪著不分別故阿難一切法不可思議猶如幻人一切法無受者不堅牢故菩薩如是行者名爲行般若波羅蜜於法亦無所著菩薩如是學者名爲學般若波羅蜜阿難若菩薩欲到一切法彼岸當學般若波羅蜜何以故阿難學般若波羅蜜於諸學中最爲第一安樂利益諸世間故阿難如是學者無依止者爲作依止如是學者諸佛所許諸佛所讚諸佛如是學已能以足指覆動三千

大千世界阿難諸佛學是般若波羅蜜於過去未來現在一切法中得無礙知見阿難是故般若波羅蜜最上最妙阿難若欲稱量般若波羅蜜即是稱量虛空何以故是般若波羅蜜無量故阿難我不說有般若波羅蜜無量阿難名字章句語言有量般若波羅蜜無量出尊何因緣故般若波羅蜜無量阿難般若波羅蜜無盡故無量般若波羅蜜離故無量阿難過去諸佛皆從般若波羅蜜而出而般若波羅蜜不盡未來諸佛皆從般若波羅蜜出而般若波羅蜜不盡現在無量世界諸佛皆從般若波羅蜜出而般若波羅蜜不出是故般若波羅蜜已不盡今不盡當不盡阿難若人欲盡般若波羅蜜爲欲盡虛空爾時湏菩提作是念是事甚深我當問佛即白佛言世尊般若波羅蜜無盡耶湏菩提般若波羅蜜無盡虛空無盡故般若波羅蜜湏菩提色無出尊應云何出生般若波羅蜜湏菩提色無

元

盡故是生般若波羅蜜受想行識無盡故是生般若波羅蜜湏菩提菩薩坐道場時如是觀十二因緣離於二邊是爲菩薩不共之法若菩薩如是觀因緣法不墮聲聞辟支佛地疾近薩婆若必得阿耨多羅三藐三菩提湏菩提若諸菩薩有退轉者不得如是念不知菩薩行般若波羅蜜云何以無盡法觀十二因緣湏菩提若諸菩薩有退轉者不得如是方便之力湏菩提若諸菩薩不退轉者皆得如是方便之力所謂菩薩行般若波羅蜜以如是無盡法觀十二因緣若菩薩如是觀時不見諸法無因緣生亦不見諸法常不見諸法作者受者湏菩提是名菩薩行般若波羅蜜時觀十二因緣法湏菩提若菩薩行般若波羅蜜時不見色不見受想行識不見此佛世界不見彼佛世界亦不見有法見此佛世界彼佛世界湏菩提若有菩薩能如是行般若波羅蜜是時惡魔憂愁如箭入心譬如新

喪父母甚大憂毒菩薩亦如是行般若波羅蜜惡魔甚大憂毒世尊但一惡魔愁毒三千大千世界惡魔皆悉愁毒耶湏菩提是諸惡魔皆亦憂毒各於坐處不能自安湏菩提菩薩如是行般若波羅蜜一切世間天人阿修羅無能得便不見有法可退者是故湏菩提

七
卷六九

菩薩欲得阿耨多羅三藐三菩提當如是行般若波羅蜜菩薩如是行般若波羅蜜時則具足檀波羅蜜尸羅波羅蜜羼提波羅蜜毗梨耶波羅蜜禪波羅蜜菩薩行般若波羅蜜時則具足諸波羅蜜亦能具足方便力是菩薩行般若波羅蜜諸有所作生便能知是故

若波羅蜜應生如是念湏菩提若菩薩能生如是念乃至彈指頃勝於如恒河沙劫布施福德何況一日半日當知是菩薩必至阿毗跋致當知是菩薩爲諸佛所念湏菩提菩薩爲諸佛所念者不生餘處必當至於阿耨多羅三藐三菩提是菩薩終不墮三惡道常生好處不離諸佛湏菩提菩薩行般若波羅蜜生般若波羅蜜乃至彈指頃得如是功德阿況一日若過一日如香象菩薩今在阿闍佛所行菩薩道常不離般若波羅蜜行說是法時諸比丘眾一切大會天人阿修羅皆大歡喜小品般若波羅蜜經隨知品第二十六

湏菩提菩薩欲得方便力者當學般若波羅蜜當修般若波羅蜜湏菩提若菩薩行般若波羅蜜生般若波羅蜜時應念現在無量無邊世間諸佛諸佛薩婆若智皆從般若波羅蜜生菩薩如是念時應如是思惟如十方諸佛所得諸法相我亦當得湏菩提菩薩行般

波羅蜜亦如是一切法無量當知般若波羅蜜亦如是
蜜亦如是色無量當知般若波羅蜜亦如是
受想行識無量當知般若波羅蜜亦如是一
切法無相當知般若波羅蜜亦如是一切法
通達相當知般若波羅蜜亦如是一切法本
來清淨當知般若波羅蜜亦如是一切法無
勝 小六九

八 元

言說當知般若波羅蜜亦如是一切法同於
滅當知般若波羅蜜亦如是一切法如涅槃
當知般若波羅蜜亦如是一切法不來不去
無所生當知般若波羅蜜亦如是一切法無
被我當知般若波羅蜜亦如是賢聖畢竟清
淨當知般若波羅蜜亦如是捨一切擔當知
勝 小六九

般若波羅蜜亦如是虛空無邊當知般若波
羅蜜亦如是日照無邊當知般若波羅蜜亦
如是色離當知般若波羅蜜亦如是受想行
識離當知般若波羅蜜亦如是一切音聲無
邊當知般若波羅蜜亦如是諸性無邊當知
般若波羅蜜亦如是集無量善法當知般若
勝 小六九

波羅蜜亦如是一切法三昧無邊當知般若
波羅蜜亦如是佛法無邊當知般若波羅蜜
亦如是法無邊當知般若波羅蜜亦如是空
無邊當知般若波羅蜜亦如是心心數法無
所有故無染無離受想行識無所有故無
染無離一切法性清淨當知般若波羅蜜亦
當知般若波羅蜜亦如是善法無量當知般

若波羅蜜亦如是不善法無量當知般若波羅蜜亦如是如師子吼當知般若波羅蜜亦如是何以故色如大海受想行識如大海色如虛空受想行識如虛空色如湏弥山莊嚴受想行識如湏弥山莊嚴色如日光受想行識如日光色如聲無邊受想行識如聲無邊

色如衆生性無邊受想行識如衆生性無邊色如地受想行識如地色如水受想行識如水色如火受想行識如火色如風受想行識如風色如空種受想行識如空種色離集善相受想行識離集善相色離和合法受想行識離和合法色三昧故無邊受想行識三昧故無邊色色離色性色如是佛法受想行識故無邊色色離色性色如是佛法受想行識離識性識如是佛法色相無邊受想行識相無邊色空無邊受想行識空無邊色中善行故無邊受想行識心所行故無邊色中善不善不可得受想行識中善不善不可得色不可壞受想行識不可壞色是師子吼受想

行識是師子吼當知般若波羅蜜亦如是
小品般若經卷第九 潛九

後庭溪張判院名尋捨田力開小品般若經一部十卷

小品般若波羅蜜經卷第十

潛十

姚秦三歲鳩摩羅什譯

小品般若波羅蜜經薩陀波崙品第二十七
佛告湏菩提若菩薩欲求般若波羅蜜當如薩陀波崙菩薩今在雷音威王佛所行菩薩道湏菩提白佛言世尊薩陀波崙菩薩六何求般若波羅蜜佛告湏菩提薩陀波崙菩薩本求般若波羅蜜時不依世事不惜身命不貪利養於空林中聞空中聲言善男子汝從是東行當得聞般若波羅蜜行時莫念疲倦莫念睡眠莫念飲食莫念晝夜莫念寒熱如是諸事莫念莫觀亦莫思惟離詭曲心莫自